

**UDAL ETXEBIZITZAK.** Otxarkoagan etxeak saltzeko operazinoa bertan behera itxi eben, martitzeneko batzarrean



INIGO AZKONA

Udal Etxebizitzak alkarteak 5.000 etxe inguru kudeatzen ditu.

# Udalak berrehun etxebizitza eregiko ditu Elejabarrin

Udal Etxebizitza alkartearen parkea sendotzeko balio izango dabe

I. B.

Udal Etxebizitzak alkarteak 200 etxebizitza barri egingo ditu Errekalde auzoan. Erabagia, martitzeneko batzarrean hartu eben alkartearen Administrazio Kontseiluan parte hartzen daben ordezkari politikariek. Azken hamabi urteotan ez zan holakorik gertatzen, eta erabagia, beraz, garrantzitsua da.

Etxeak Elejabarrin egingo ditue, aterpea eta Errekalde artean dagozan etxe zaharrak bota ostean. Han sartuko ditue gaur egun bertan bizi diran 30 familiak. Obrearen aurrekontua 4.000 milioi pezetakoa izango da, eta, ezustekorik gertatzen

ez bada, behintzat, obrak urtebete barru hasiko ditue.

Etxe gehienak alkarteak berak kudeatuko ditu, preminea daukien bilbotarrei alokatzeko. Dana dala, obra nagusiagaz hasi aurretik, 20 etxebizitzako eraikin txiki bat altzauko dabe. Etxe horreek saltzeko izango dira, eta alokatzeko izango diran beste 180 etxeetatik aparte egingo ditue.

PPko zinegotzia izan ezik, proposamen horren alde bozkatu eben ganerako ordezkari politiko guztiek. Ordezkari popularra abstenidu egin zan.

## Otxarkoagako operazinoa

Obrea egiteko, Otxarkoagako etxebizitzaren salmentatik lortutako dirua erabili ahal izango dau alkarteak. Gitxi gorabehera, 3.500 milioi pezeta irabazi zituan Udalak operazinoa horretan. Izan be, martitzeneko batzarrean hartu zan garrantzia handiko beste erabagia horren ingurukoa izan zan: amaitu da dagoaneko Otxarkoagako etxeren salmentea.

EAJ, EH eta ICVko zinegotziek horren alde bozkatu eben, eta PP eta PSEko ordezkariak kontra. 1997. urtean, operazi-

noa hasi zanean, udal alkarteak 3.564 etxebizitza zituen Otxarkoagan, eta, harrezkero, 2.073 etxe saldu dira. Salneurria, batenaz beste, 2.223.263 pezetakoa izan da. Jakina danez, laster beste operazino bat egingo dau Udalak, salgai jarriko ditu-eta ganerako auzoetan dituan etxebizitzak be.

Udal Etxebizitzak alkarteak, gaur egun, 5.200 etxebizitza inguru kudeatzen ditu; nahiz eta alkartearen berarenak 2.479 baino ez diran, ganerako 2.644 beste erakundeakaz batera kudeatzen ditu eta.

Lehenengo moltzo horretan sartzen dira, besteak beste, Otxarkoagan saldu barik geratu diran 1.500 etxebizitzak. Orain, operazinoa zarratu danean, saldu gura baditue, Servatas enpresek zehaztu barri dituan balio tasen kopuruen arabera saldu beharko dira horreek be.

Etxebizitzak saldu bai, baina barriak ez dira eregi azken hamabi urteotan. Joera hori aldatzea behar-beharrezkoa zan, oposizionoko taldeen ustez. Kontuan izan behar da, oraindino bi mila bilbotar inguru dagozala babespeko etxebizitza bat alokatzeko zain.

**SANTURTZI.** Manifestazinoa egingo dabe zapatuan

## ABRA kolektiboak energia proiektuen «zentzugabekeria» kritikau dau

Hasier Rekondo

Abrako ingurunean eregiiko dituen Bizkaia Badia Gasa bergasifikadoreak eta hiru zentral termikoek (Bizkaia Badia Elektrizitatea, Iberdrola Santurtzi III eta Petronorreko ziklo konbinatu) 10-12 miloi tona anhidrido karboniko (CO<sub>2</sub>) botako ditue urtero, ABRA kolektiboko Iñaki Urrestazuren esanetan.

«Gas honek berotegi efektua eta klima aldaketea eragiteaz ganera, kalte handiak sortzen ditue jentearen osasunean» gehitu eban, atzo, Santurtzin emoniko prentsaurrean. Leimoizko nuklearrak bete gura eban lekua beteko dabe proiektuek, kolektibokoen eritxian. «Gas naturala, metanoa, ez da

energia iturri garbia; ganera, bergasifikadoreak edozein momentutan eztanda egiteko arriskua dauka: Hiroshiman botatako lehergailuak baino 66 bidar gehiagoko indarra dauka».

## Energia preminearen % 300

Urrestazuk azaldutakoaren arabera, «ekoiztuko daben energia ez dabe erabiliko gizar-tearen beharrianak asebeteteko: kontsumitzen dogunaren hiru aldiz gehiagoko kopurua aitortu dabe, negozioa besterik gura daben, multinazionalak».

Honeaz ganera, ABRAkoek erabilten dituen datuen arabera inbertsinoak oso handiak diran arren, —300.000 milioi pezeta baino gehiago— hirurehun lanpostu besterik ez ditue sortuko.

Manifestazinarako deia egin dabe plataformakoek —«kutsatzen ez eben kartelak kendu deuskuez udal langileek»— datorren zapatarako. Arratsaldeko 17:30ean urtengo dabe Santurtzikoko Parketik.

Mendebaldeko euskeran kazetaritza lanak argitara daitezcan lagundu guran, **BBK**-k eta **EUSKALDUN EGUNKARIAK** idazle, kazetari zein herritarrentzat zabalik dagoen bigarren erreportaia lehiaketa gertatu dabe.

*Bigarren*  
**EGUNKARIA-BBK**  
*erreportaia lehiaketa*



*“Izan zeu be kazetari”*

### OINARRIAK

Edozeinek parte hartu ahal dau lehiaketan. Erreportaia bat baino gehiago aurkeztu leitekez. Bizkaieraz idatzia izan beharko dau erreportaia, eta gaia libre izango da.

Erreportaia 4.000 eta 5.000 karaktere bitartean euki beharko dauz, eta egileak argazkiak emon beharko dauz testuagaz batera. Argazkiak orijinalak izan beharko dabe; norberak edo beste batek egindakoak izan leitekez.

EUSKALDUNON EGUNKARIAren “Bizkaia” edizioan argitaratuko dira, domekara. Lehiaketaren antolatzaileen esku dago erreportaia argitaratuko dan erabagitea. Erreportaia ez argitaratzeak esan gurako dau ez dala onartu. Argitaratu bako orijinalak ez jakoz bueltatuko egileari.

Epaimahai batek erabagiko dau nor saritu. Hiru sari izango dira.

### 500.000 pta. SARIETAN

Irabazlea: 300.000 pezeta (12.000 libera). Bigarrena: 150.000 pezeta (6.000 libera). Hirugarrena: 50.000 pezeta (2.000 libera). Epaimahaiaren erabagia aldezina izango da.

NORA BIALDU  
ERREPORTAIA LEHIAKETA.  
EGUNKARIA-BIZKAIA

Egia Jenerala 3, behea. 48010 BILBO  
E-maila: bizkaia@egunkaria.com  
\*Erreportaia postaz, posta elektronikoz edo eskura ekar daitezke.

EPEA

Erreportaia aurten abendua bitartean argitaratuko dira. Halandabe, albai arinen bidaltzea gomendatzen dogu.

ANTOLATZAILEAK

**bbk**

**Egunkaria**

www.egunkaria.com